

DON ELADIO

Era aquel don Eladio que lembramos
pintasilgo humildoso do Ribeiro,
rebuscador de verbas e braceiro
destes sacros socialcos cal recamos.

Era aquel don Eladio que loamos
clarín do Miño e do Avia gaioleiro,
pavía entre folerpas e viveiro
de oracións campesiñas coma ramos.

Estilador de termos reverente,
místico podador de dobre aceiro,
Eladio de San Clodio foi un vento

que desde a Ribadavia sorridente
ata os salgueiros lánquidos de Leiro
sempre abonou cun canto suculento.

X. C. Gómez Alfaro